



DISSERTATIO INAUGURALIS MEDICA  
DE  
**STATU PRÆTERTURALI**  
**SUCCI RETIS MALPIGHIANI**  
ID EST  
**DE MORBIS SUPRACUTANEIS.**



§. I.

Aliquando prodest rem notam ex alio latere intueri, ita enim notior evadit & speculanti perfectiorem facit ideam. Liceat igitur de succi glutinosi quo epidermis cuti veræ jungitur, quique retis sic dicti malpighiani spatium replet, aberrationes a statu naturali ex practicis nonnullis observatis considerare. Id fieri eo confidentius quo major est magni HALERI,

LERI, morbum in hac parte non improbabilem  
credentis, auctoritas. *Elem. physiol.* Tom. V. L.  
XII. §. 14. p. 25.

## §. II.

Scopus non est quæ de reti *malpighiano* inven-  
ta vel disputata sunt repetere. In brutorum partibus  
verum rete est ex solidis fibris constans, ut in galli  
gallinacei & gallopavonis pedibus, respondens ma-  
nifestis ibi epidermidis squamis, sed ab ea plane se-  
junctum. Lingua graminivorum potius epidermi-  
dem foraminulis percusam, quam proprium rete ex-  
hibet. In homine ab ipsa epidermide difficulter di-  
stinguitur, cuius potius ex duplicaturis vel tenui-  
bus processibus in cutim insertis constare, interio-  
remque epidermidis laminam efficere videtur, quam  
tamen a vera cuticula separabilem docuit cel. AL-  
BINUS annot. L. I. c. 2. & in æthiope id eviden-  
tissimum esse tradunt, qui in hujus nationis cutem  
inquirere potuerunt, omnes.

## §. III.

Hoc reticulum cum epidermide per ignem &  
cantharides aliasque lædentes causas abscedit, & de-  
inde sola mora renascitur. In ipso ortu indubitate  
mucosum est, posthac induratur in membranæ spe-  
ciem, ope siccii aëris & durioris attactus, HALL.  
l. c. §. 12. Semper mucosum in vivo & sano ho-  
mine esse WINSLOI sententia fuit, forte a vero  
non plane abludens, ad minimum certo & vero  
simillimum evadit, *humorem aliquem mucosum si  
non rete ipsum faciat, tamen illud perpetuo oblinire,*  
ex iis autem quæ adducturi sumus persuademur,

cum

eum succum variis mutationibus & morbis obnoxium esse.

## §. IV.

Rete ejusque succum diversi coloris esse characteremque nationum & hominum facere, in æthiopibus nigro colore donari, in brasiliensibus fusco, in Europæis flavescere vel albo, tam certis observatis confirmatum est, ut iis repetendis merito supersedeamus, nam etiam recentissimæ ill. MECKELII disquisitiones hanc stabiliverunt veritatem. Hoc addimus quod etiam in Europæis locus corporis sit ubi naturaliter niger succus, isque nigritarum mucro reticulari similis naturaliter generetur, scilicet tunica oculi utea, vid. PECHLINUS, de hab. & col. æthiop. c. 7.

Neque minus sordes sub anteriori margine unguum in digitis manuum pedumque, ubi scilicet unguis refecari solent, omni Europæo nascuntur nigrae. Porrigitur autem reticulum sub ungue ad ejus usque extremitatem, sulcis longitudinalibus constans, quibus subiectas fibras papillofas comprehendit, vid ALBINUS annot. L. II. c. 14. Ex eo exsudant nigrae quas dixi sordes, non in laboriosis viris modo sed etiam delicatulis & chirotheca se munientibus foemellis, & in paucorum mensium pueris. Qualis succus si super totum corpus extenderetur, æthiopum nigredinem referre posset.

## §. V.

Succus retis malpighiani est sedes macularum scorbuticarum coerulearum quas per belgium & in-

terioris rheni tractum frequentissime vident medici, quæ scilicet per imperfectam aliquam crisi excitantur. Namque homines scorbuto nondum plene confirmato affecti post diuturnos languores & gravativos artuum dolores, sensum facientes quasi plumbum infusum esset pedibus, ut plurimum subito, vel solius naturæ ope, vel medicinis antiscorbuticis leniter acribus adjuti maculis lividis & coerulescentibus imo nonnunquam nigrescentibus super brachia & crura, non raro in facie & manibus scanduntur, sine ullo sensibili tumore, sine dolore, sed cum levi quodam pruritu, per quem successive, scilicet post aliquot hecmodades epidermis ejus loci aspera evadit & instar furfurum decidit. Talibus maculis cl. Præses quandoque studio vesicatoria applicuit, unde vesica excitata maculam alias diutius duraturam promte abstulit. Quare dubitari non potest, sedem ejusdem sceditatis in loco retis esse. Erumpentibus autem talibus maculis symptomata lassitudinis dolorosæ scorbuticæ ut plurimum mox levantur, saepe penitus auferuntur. Quare natura materiam scorbuticam ex musculis, (nam scorbutus proprie est morbus carnis) per metastasis ad epidermidem deponere novit, ut hac via excreneretur.

## §. VI.

*Coeruleus & subnigricans color in regionibus germaniae inferioris est quasi character scorbuti specificus. Nam etiam bilis hoc in morbo præfertim ad ultiori isatoden coerulecentem colorem induit, talisque*

lisque vomitu rejicitur, & oculorum albuginea tunica ex albido cyanea est, quo saepe solo signo hæc humorum dyscrasia statim cognosci potest. Retulit cl. Præses, sibi visos aliquot homines scorbuticis symptomatibus affectos unica nocte tot maculis nigrescentibus & inter se confluentibus per totam fere faciem & collum, ut etiam super brachiis & femoribus inquinatos, ut pro æthiopibus eo tempore haberi posuissent, qui tamen color post aliquot hebdomades plane disparuit. An igitur recte affirmatur cum illustr. MALAPERTIO, colorem æthiopum esse morbosam diathesin? aliquod præjudicium scorbutus omnino facit.

Similes maculae scorbuticæ coeruleæ non modo cutim externam foedare, sed etiam linguam & membranam palati fornicati, imo genas internas frequenter solent obsidere, ideo ut homines *colica* sic dicta *scorbutica*, atrocissimis scilicet abdominis & diuturnis, nec nisi acriori antiscorbuticæ medendi methodo cedentibus doloribus affecti, totam oris cavitatem coeruleam habeant, qui color sensim evanescens signum est dolorum etiam abdominalium cessaturorum, cujusque duratio pertinaciorem quoque morbum declarat. Quod gingivarum carnes scorbutus primo tumidas reddat, tum erodat, id notum est. An igitur in periglottide & partibus oris reliquis aliquod retis malpighiani æmulum sit invenitur? Negant anatomicorum felicissimi RUYSCHIUS, WINSLOW, ALBINUS, HALLERUS, vid. hujus El. phys. Tom. V. L. XIII. §. 5. Ergo in casu dicto

periglottis ipsa, non reticulum ejus, quod nullum esset, colorata erit. Sed in bobus vaccisque sub hoc externo linguae involucro stratum mucosum est, in quo ex recentibus observationibus haec bruta, si stragem luis bovillae hodie adeo late gravantis evadunt, morboque superato ad sanitatem redeunt, maculam latam lunulatam coeruleam retinent in dorso linguae, quo signo dignoscuntur ea animalia quae reconvalescunt ab illis, quibus falso testimonio superatio morbi adscribitur. Nam bruta ex hoc morbo resurgentia majori pretio veneunt, quia eadem lue posthac libera manere creduntur.

### §. VII.

*Succus retis Malpighiani in statu naturali acer esse non potest, quia nullum facit pruritum in cute, videtur tamen non plane dulcis sed leniter amaricans esse.* Epidermis per violentiam externam pressionis aut ictus a subjecta cute separata, si statim linguae admoveatur, amaricans est. Si epidermis per ignem aut per morbum abscessit, sapor est amarior, sed id forte igni aut morbo adscribi potest. Si cogites colorem retis malpighiani in æthiopibus nigrum ab atra bile, Europæis ex flavo brunum a similiter colorata bile dependere, amaritatem adesse concedes facilis. Præterea sordes nigræ unguium sunt amaroris fastidiosi, & pigmentum atrum uveæ oculorum amarum valde. Atque trans albam cutim ex unctuosis poris biliosam exire materiam, id cerumen aurium docet & fætida illa amara gleba inter pedum digiti-

tos

tos colligi solita, & alibi etiam exeuntes amari sudores sub axillis & inguinibus. Quare in icterio, quamdiu secretio & transitus bilis per hepar negatur, tota epidermis flavescit, succusque reticuli nunc amior redditus pruritum facit, donec cum decidua epidermide sensim extra corpus vertatur. Quin & a nigriori bili niger fere icterus oritur. Quam convenientiam coloris externi cum colore bilis hepaticæ ac cysticæ, harumque partium in morbis sympathiam *Santorinus* Obs. anatom. p. 3. & 4. argute indicavit. Icterus infantum recens natorum a recento meconio frequenter observatus eandem confirmat. Coloris igitur icterici sedes omnino erit rete malpighianum.

## §. VIII.

Infinite gravior hujus reticuli morbus *scabies* est vel *psoa*, quam veterum medicorum schola humoribus biliosis acribus ad cutim versis & pravae digestioni adscripsit. **GALENUS** atrabilarium esse morbum statuit. In genere autem primi artis medicæ statores, **HIPPOCRATES**, **ARETÆUS**, **GALENUS**, **PAULUS ÆGINETA** hodiernam scabiem vix nosse videntur, aut si norunt, cum lepra confudunt. **CORN.** **CELSUS** satis accurate quidem eam descripsit, sed nullus eorum contagii meminit, quod tamen hodie fere sola est causa. Quando enim per internas viræ vires ex toto circulo sanguineo aliquod exanthema ad integumenta deponitur, id ut plurimum salutare est, & graviorem morbum solvit aut critice terminat, tam in acuta quam chronica perio-

periodo, de qualibus paulo post nonnulla ad-  
dantur. Ea autem scabies vel psora, quæ hodie  
per totam forte Europam molesta est, habet signa  
distinctiva sequentia: a) Quod sanissimum homi-  
nem inficere queat, cuius viscera & humores per  
totum decursum morbi nullum vitium necessario  
contrahunt, id quod ETTMULLERUS recte ob-  
servat colleg. pract. p. 582. b) Quod contagio pro-  
pagetur, id quod nuperum bellum germanicum ni-  
mis certe demonstravit, nam in utriusque partis ex-  
ercitibus scabies furiebat, & propter lectorum pro-  
miscuum in domibus plebejis usum insigniter per  
omnem populum grassabatur, cuius scabiei histo-  
riam Præses descripsit in D. D. FROWEINII Diss.  
inaug. de *scabie post nuperum bellum epidemica* 1764.  
Præterea in vulgus notum est, contrectatione fre-  
quenti manuum, contubernio, vestimentorum &  
stragulorum communione & familiarum nexu facil-  
lime propagari. c) Diuturnitas magna hujus mali,  
cui natura raro aliquos motus vitales opponit ad  
curationem, quippe quæ fere a solis medicamentis  
expectanda est. Nam sine his in tertium plerum-  
que annum cum iisdem symptomatibus, quæ ab ini-  
tio adfuerunt, sine memorabili mutatione molesta  
est, tum vero sicut observatum, ex naturali virtute  
profundos abscessus in cute & tunica adiposa nasci,  
& ope inflammationis & suppurationis hanc vene-  
natam materiam emendari & expelli. Talis dura-  
tio extensa huic malo cum sola lepra communis est,  
nam reliqua exanthemata ex sanguinis & viscerum  
vitio

vitio orta aut citius terminantur, aut certe sympto-  
 mata mutant. d) *Pruritus iniquissimus*, sine mani-  
 festa cutis ipsius laetione. Nam scabies recte sanata  
 nunquam cicatricem relinquit, nisi abscessus veri, de  
 quibus mox dictum est, a natura vel per artem ex-  
 citentur, potius post scabiei secessum mollis & pul-  
 chra epidermis extremitatum & trunci renascitur.  
 Quo solo igitur phænomeno satis probatur, non  
 profundius hoc venenum penetrare quam in solum  
 reticuli succum, supremasque cutis papilloosas partes  
 ab ejus acredine vellicari quidem sed non erodi.  
 Certe qui cum cel. HOFFMANNO sub cute in  
 tela cellulosa sedem scabiei querunt, phænomeno-  
 rum ejus rationem non habuerunt. e) Sola facies  
 a scabie nunquam occupatur, per reliquum totum cor-  
 pus ejus pruriens terpere potest. Ita tamen, ut in  
 manibus, digitorumque interstitiis, pedibus etiam  
 circa talos & circa ilia & inguina vehementius pru-  
 riat. Excoriatio autem epidermidis in locis, ubi in-  
 cisura ejus major & manifestior, ibi etiam major  
 pruritus, qui omnium maximus in vola. Ex qui-  
 bus concludere posse, non in omni corporis parte  
 succum reticuli ad concipiendam scabiem æque  
 aptum esse, nisi forte sola major vel minor ejus  
 copia differentiam facere queat. f) Solvitur autem  
 per scabiem epidermis dupli modo: nam vel sicca  
 instar furfurum decidit & unguibus avellitur, vel  
 pustularum specie elevatur, ex qua vel tenuis ichor,  
 vel materia puris cocti amula fluit. Quæ posterior  
 citius sanari solet, quia per exsudantem ex cute pin-  
 gue-

B

guedinem acredo materiæ temperatur, ideoque natura ipsa in curationem consentit.

### §. IX.

Scabies apte tractata solam externam medicationem requirit, ut HELMONTIUS rectissime dicit Lib. de scabie & ulceribus scholarum. Solum enim sulphur vivum millenis in exemplis sine ulla noxa profuit & cito sanavit, igitur specifica virtute venenum illud, si modo quam proxime applicatur, emendat, nec in cutis vasa, ut metuunt, repellit. Emplastra, in quæ cantharides ingrediuntur GALENUS proposuit, quibus utique succus reticuli multum alteratur, sed cutim jam ex morbo prurientem facile inflammant. Sanat quoque mercurius externe parce applicatus, sed minus iam tutto; arsenicalia saepè lethifera fuerunt. Adstringentia & firmitatem epidermidis augmentia ut plurimum mala. Nam si ex perversa medicatione venenum scabiosum ipsis venis recipitur, gravia sequuntur symptomata, de quibus hic non est dicendi locus.

### §. X.

Est etiam vermiculi genus, quod succo malpighiani retis delectatur, novamque purientis scabiei speciem facit. Hos accurate ETTMULLERUS descriptis & figuram microscopio auctam ære expressit in act. Erud. Lips. 1682. quorum & SCALIGER meminit Exerc. 194. & MOUFET in Theatr. insect. l. 2. c. 24. Sirones vocant. In Saxonia

nia & Thuringia frequentes, anthelminticis extensis facile necantur, quos etiam matres ex pustulis excitatis ope aciculæ extrahere norunt. Post accuratissimum examen, quod in centenis se instituisse affirmat Praes, qui inter Saxones sœpe eos vidit, ad Rhenum inferiorem nulli unquam inveniuntur, ideoque, qui omnem scabiem voluere verminosam esse, certissime falluntur. Quum insecta sint, quæ acerrimis & amarissimis herbis alantur, & ipsa bilis hepatica in ovibus & cervis, forsitan & in homine quorundam vermium sit nutrimentum, non est mirum & reticuli succum a vermiculis amari. Videntur enim Sirones non multum ab ludere illis, qui super caseum veterem acerrimum quasi pulvri copiose generati totum eum successive devorant, nam hi microscopio visi ETTMULLERIA-NÆ iconi prorsus similes apparent.

## §. XI.

„ Pene ineptiæ sunt, ait CORN. CELSUS „ curare varos & lenticulas & ephelidas, sed eripi „ tamen steminis cura cultus sui non potest L. VI. „ c. 5. Tales maculæ faciem ut plurimum, ut & collum & thoracis superiora, nonnunquam manuum dorsi sedant, potiusque ad reticulum, quam ad epidermidem pravus color referri videtur, quia locum non mutant, & cuticula, etsi furfurum instar continuo ibi desquamatur, macula tamen iisdem terminis circumscripta manet, nec cum caduca epidermide perit, sed per eam renovatam, ut ante

transparet. Vulgus dicit a bilioso humore in cū-  
tim effuso oriri, quod eo respectu, quo reticuli cum  
humore bilioso nexus esse diximus, verum esse  
potest, neque tamen vitiata organa biliosa hæ ma-  
culæ arguunt, nec ab internis bilem corrigentibus  
mediis curantur. Videntur enim hæ maculæ, quo-  
niā a solis ardore maxime oriuntur siccitatem reti-  
culi iusto majorem indicare. Quare nulla resolven-  
tia neque alcalica, neque acida, (quæ tamen melli  
mista CELSUS proposuit) exterius illita sensibilem  
effectum in cura producunt; humectantia autem &  
anodyna applicata plus præstant, velut infusum me-  
racum florum fabæ aut verbasci, aut ipsi recentes  
hi flores cuti affricti. Pulticulam mucilaginosam ex  
farinis cum cimolia terra & aliis melle exceptis, a  
Tryphone quodam inventam laudat CELSUS l. c.  
Vari tamen profundiorem originem habere & ipsius  
cutis ulcuscula esse videntur, nam solitarii sunt &  
elevati ut papulæ & suppurantur. Ceterum ista de-  
formitas faciei, quam asperuginem & scabritiem vo-  
cant, in qua epidermis non in planitie extensa,  
sed elevatis squamulis hirta appareat, a muci & re-  
ticuli defectu oriri videtur, plane ut lenticulæ, qua-  
re, si qua ejus emendatio locum habet, a mucila-  
ginosis solis exspectari debet. Cui scopo succus re-  
center expressus lumbricorum terrestrium cum pau-  
culo spiritus vini aromatisati ad gratiam odoris  
mixtus adhiberi non incommode & cum fructu solet,

## §. XII.

Ut autem scabies ab extra per contagium in  
reti-

reticuli loca intrat, ita & per naturam ipsam humores maligni & excrementitii eum in locum depo-nuntur, inter quales morbos primum locum porri-go habet, ubi in capite inter pilos quasi squamulæ surgunt, eæque a cute resolvuntur, & interdum ma-dent, multo saepius siccæ sunt. C. CELS. L. VI. c. 2.

Capillatæ partis in capite prūritus fere toti hu-mano generi communis est, puerique non minus, quam adulti verticem scabere in primis matutino tempore amant, eo usque ut ad inconcinnitatem morum referatur, si quis in consortio frequenter un-gues inter comam habet, & pectines inventi sint, quibus sordes expurgari & pruriens immundities abstergi queat. Sed in statu naturali moderatus hic sensus, bonaque sanitatis, præsertim quoad caput & cerebrum index est, qui tamen aliquando fit im-moderatus morbosusque, per quem epidermis co-piose in furfures resoluta cum intermissis humoribus nigrescentibus amaris & acribus ex capillitio ex-eutitur, tanta saepe mole, ut colli humerorumque ve-stes conspergat, aut ubicunque stent vel sedeant, ejus pulveris vestigia conspiciantur. Nonnunquam pilorum bulbi simul exeunt, fitque calvities aut alopecia, nudæ scilicet areæ, pilorum postea nunquam feraces. Hic morbus pueris minime insuetus, ra-rior in adultis, his vero raro curabilis. Videtur-que hic morbus primam dedisse occasionem ut amylo & aliis fucatis coloribus aut corollis coronisque & similibus tegminibus vel mutuato crine non mo-do recentes, verum etiam antiqui populi capillitii

fœditatem celare studuerint. Quin & plica polonica & ejusmodi excreta præternaturalia simili materiei originem dare credibile est. Ea autem materia non potest alia esse, quam ipse succus reticuli, nam ex tela cellulosa exsudare eo minus probabile est, quo parciор adeps naturaliter craniī ossa investit, ut fere pro nulla haberi queat. Cutis enim ipsa in tali morbo sana manet, neque tumore neque colore, neque ulcusculis, neque alia morbosa dispositione præter naturam se habet. Sub sola epidermide colligitur & in reticuli spatia per naturalia spiracula cutis pruriens hęc & molesta biliosa materia deponitur.

Multo evidenter id apparet in *porrigine humida*, scilicet in *favo capitinis infantili*, quando materia viscida, colore melli respondens, per ipsam epidermidem copiose exfudat, crustamque super totum capillarium format, quæ cum iniquo pruritu & aliis molestiis multis, in primis pedicularum fertili generatione per plures quandoque annos caput infestat, & nisi sollicite repurgetur, ideoque liber malignæ materiæ fluxus permittatur, sanitati infantum gravissima detimenta infert. Nam si excretio ista impeditur, solet eadem materia oculis maxime infesta esse, & in primis uera tanica perpetuo inflammari, ut per annos integros lumen ferre nequeant, quia pupillæ constrictio dolorosissima existit, in aliis etiam materia lemosa palpebrarum acrior reddita madarosin & alia oculorum vitia creet. Neque minus aurium ceruminosus fluxus ab impedito favi efflu-

xii.

xu augetur s<sup>e</sup>p<sup>e</sup> non sine periculo surditatis. Si quis capillitum infantis eo morbo affecti prima vice intuetur, credere posset, omnia ibi ulcerosa & ad ossa usque erosa esse, quod tamen minime se ita habet, nam si pars capitis prudenter ab ea materia liberatur, mirum est, quam integra epidermis subsit, sine ulla ulceris specie, nam mellea materia transsudavit solummodo, & per pores aut interstitia cuticulae ita transmittitur, ut non modo h<sup>a</sup>c, sed multo magis ipsa cutis appareant sanissimae. Eo enim ipso favi benignitas discernitur ab ea ulcerosa turpitudine contagiosa, quam *porriginem malignam & ferinam*, item *tineam* vocant, & quæ species *lepræ* est, cuius paulo post reminiscemur. Nam in hac porrigine ferina, si capitis particulam ab hac crusta liberamus, cutis ipsa ulcerosa; profundis foraminulis s<sup>e</sup>p<sup>e</sup> ad os ipsum tendentibus instar panni lanei a tineis & blattis perforati erosa spectatur, quæ igitur est cutis ipsius, imo forte cum ossibus communicans morbus, & plane alterius naturæ, quam illa favi puerilis excretion, quippe quæ aliquid critici habet, & in pueris sponte desinit, quam primum corpus a biliosis his cordibus liberum evasit, dum *porrigo ferina* per se nunquam, & per artem non nisi difficulter vincatur. Mellea autem favi benigni materia gustu est manifeste *amarâ*, & quasi *resinosa*, instar bilis insipissatæ, & propterea vix nisi in solo menstruo pingui resolvitur, nam si caput a crustis hisce melleis purgare animus est, nulla nec aquea nec spirituosa nec salina lotio quidquam prodest, sed solum butyrum

in-

insulsum recens, aut pinguedo suilla leniter affri-  
cta mox ita crustam solvit, ut sine molestia a cuti-  
cula integra post aliquot horarum spatium abter-  
gi queat.

## §. XIII.

Ut igitur lenticulæ & aliæ constantiores fa-  
ciei & colli brachiorumque quoisque vestimentis  
tegi non solent maculæ a defectu sufficientis muci  
reticuli videntur oriri, ita porrigo & tonus & con-  
generes morbi potius ab ejusdem succi augmento  
præternaturali provenire ex supra dictis probabile  
est. Experientia firmissima docuit ejusmodi excre-  
tionem, quæ ut plurimum a quarto ad leptimum  
ætatis annum pueros infestare solet, si non impe-  
diatur, sed potius frequenti capitis purgamento pro-  
moveatur, juvenili deinde ætati maxime proficiam  
esse, hominemque a juvenilibus & sæpe lethalibus  
chronicis morbis tutum præstare, in primis cerebrum  
& organa sensoria capitis roborare, quum e contra  
innumeræ fatales historiæ monstraverint, ab ejus  
impedito fluxu fatuitates, coecitates, narium item &  
oris fætores constantes, imo morbos convulsivos &  
epilepticos, glandularum conglobatarum obstruc-  
tiones, marasmos, phthises & viscerum varios morbos,  
principue tamen generis nervosi debilitatem & in-  
dependentia commercii animi & corporis vitia ori-  
ginem sumere. Ut enim, quibus sordes nigræ un-  
guium non satis excernuntur, ad lapsum unguium  
spontaneum, & ad quasdam paronychiæ species  
disponuntur, ita hæc pruriens capitis materies, quæ

ut diximus, omni ætati, si modo moderata est, naturalis manet, in juniori autem ætate per favum copiosus & salutariter extra corpus ejicitur, hæc inquam, pruriens materia, per articia varia retineatur, cerebri affectiones producere videtur. Quare hodierna capillitii crispandi & inungendi & amylo conspergendi methodus, quam ex Gallorum imitatione omnis Europa quotannis fere variat, non omnino ita semper tuta esse observatur, ut promiscuas illas variationes prudens paterfamilias absque cautela & providentia permittere posse videatur.

## §. XIV.

Sunt etiam aliis in locis, præsertim manibus frequentes morbi cutanei, quos *herpetis* nomine distinguimus, qui sunt ulcera superficialia, serpentia, nullam habentia profunditatem. Herpes aliquando *humidus* est, in quo nulla epidérmis generatur, sed macula quedam apparet similis illi, quæ a cantharidum emplastro recens apposito, post elevatam suam bullam excitatur, quæque manifeste ex tuberculis cutaneis copiosis, milii seminis magnitudinem habentibus, quæ anatomici pro sudoris organis describunt, perpetuo humorem serosum, falsum, quasi urinosum eructat. Hæc herpetis humili ratio potius in cute ipsa, quam in reticulo quærenda est, etsi eatenus etiam huc referri queat, quatenus reticuli & cuticulæ plenarius defectus ab illa producitur. *Herpes* autem *siccus* ad morbos reticuli & ejus succi proprius pertinet. Nam in hac neque cuticula plane deficit, neqne mador vi-

C

sibi-

sibilis exit, sed potius cum pruritu continuo epidermis desquamatur & instar furfurum decidit, humorque, qui inter cuticulam & cutim est, justo siccior & plus quam par est inspissatus & in membranæ quasi speciem mutatus, propter ipsam siccitatem hiscere, & rimas agere, eoque ipso nexum epidermidis cum corio solvere ejusque desquamationem producere videtur. Ut plurimum tales areae herpeticae sunt coloratae, profundius flavæ sub ortum suum lineam quasi circularem exhibent, qua certa cuticulæ portio tanquam sua peripheria includatur; postea hæc linea circularis successive fit latior, ut zonam formet in se redeuntem, donec tandem omne illud spatium quod intra eum circulum continebatur per latiorem factam zonam in similem naturam abeat, & nunc area sit herpetica, quæ ab initio linea aut zona erat. *Herpes humidus* etiamsi molestus, tamen saepe salutaris est, nam hominem ab acrimonia quadam urinosa, quam natura ibi ad cutim deponit, liberat, ideoque saepe non sine sanitatis detrimento persanatur nisi per urinæ vias, aut per alias cutis aperturas artificiales materia maligna possit evacuari. Sed plane aliter se *herpes siccus* habet, qui ad nullam rem utilis, & plene totoque genere præternaturalis hominem foedat sine fructu. Est enim a maligo humore, saepe contagioso, instarque scabiei, ex homine in hominem migrat, neque multum a vero aberrat, qui pro primo gradu lepra: talem herpetem habere velit, a quo tamen & causa & effectibus differt.

§. XV.

## §. XV.

*Lepra* enim vetustissimus Syriæ & Arabiæ morbus, qui deinde contagio in Græciam, & per Mauros in Hispaniam delatus, exinde per Galliam & Germaniam serpere cœpit, is nunc quidem in Europa maximam partem extinctus reliquit tamen sui vestigia, ex quibus naturam ejus divinare licet. *Eadem* autem vestigia non aliam sedem diræ hujus luis, ad minimum in principio ejus, statuere permittunt quam rete malpighianum, nam quando morbus adolevit in ea sede primaria non continetur, sed vicinas etiam partes artingit easque misere lacerat, id quod commune habet cum aliis morbis malignis contagiosis, ut lue venerea, scorbuto, scabie, cancro, que ex primario suo loco successu temporis evagantur & omnia vicina erodunt ad ossa & viscera usque. Quare si de lepræ sede judicium ferre placet, ea in suo ortu consideranda est, non in eo gradu suæ processionis, quo ab aliis magnis morbis non amplius distingui potest.

Non est hic locus neque intentio, ut veterum de hac lue monumenta colligam, aut quale discrimen inter lepram graecorum, cuius elegans descrip<sup>t</sup>io *Aretæi cappadocis* nota est, & arabum fuerit expendere, quoniam talis inquisitio limites & scopum libelli academici longe foret excessura. In ea certe utraque ea lepra convenient, quod prima ejus apparitio in suprema fiat cute, quam per plures annos turpiter foedat, nec eo tempore sanitatem viscerum aut carnium ludit, donec aucta ejus virositatem

tate totum pervadat hominem. Ubi quidem facile credi potest quod secundaria & accendentia symptomata pro regionis caldioris vel frigidioris, item diætæ & viræ generis, & aliarum causarum morbosarum adjunctarum diversitate aliam morbi faciem & rationem producere, diversamque sic descriptio-  
nem desiderasse videantur. Neque minus diversa ejus tractatio medica & politici ad eam eradicandam instituti apparatus ratione contagii & veneno-  
sitas aliquam inducere potuere varietatem. Nam in Hispania hodie adhuc non parum furere vide-  
tur hæc lues, ut ex itinerario novo anno 1764. per illud regnum instituto, & in ce'. BUSCHINGII collectionibus, Magazin für die neue Historie und Geographie, Tom. II. inserto videmus. Extra Granadæ urbis muros scilicet nosocomium pro leprosis extructum visitur, in quod ex toto regno, qui hoc morbo affecti sunt, recipiuntur. Lues autem ista ma-  
xime grassatur ab ora alpujaræ ad malagam usque, tanquam parte Hispaniæ meridionali & caldiori. Le-  
pra ibi morbus est contagiosus & insanabilis, si-  
mulque hæreditarius in familiis. Erodit carnes ut in-  
tegra sæpe membra decidunt a corpore. Appetitus  
citorum integer manet, ægerque orthostadiam & vi-  
res suas conservat, donec ad viscera usque vene-  
num penetraverit. Vetant ibi usum vini, nec ægris  
nisi alimenta refrigerantia concedunt etc. Felicior  
fuit GALLIA, in qua olim frequens lepra occasio-  
nem dedit condendarum domuum leprosarium,  
quas Galli maladeries & leproseries vocant. Qui  
mor-

morbis dein pedentem cessavit, quumque redditus earum domuum, in alienos nec debitos usus converti cœperint, rex Christianismus Ludovicus XIV. eos ex toto regno contraxit, & singulari edicto 20. Febr. 1673. ordini *S. Lazari* assignavit. Quod edictum pro parte revocatum est 1693. vid. *Journal des Savans* 1706. p. 648. De lepra Gallorum legi etiam Julius Palmarius potest de *morb. contag.* c. 9. vixit autem hic vir medio seculo XVI. quo igitur lepra per Galliam adhuc sœvit. In *Brabantia* & *Germania inferiori* non minor ejus superioribus seculis tæties tait, ut vel sole P. Foresti observationes docere possunt, quare & ibi leprosaria passim condita reperimus, quæ hodie aliis usibus sunt destinata, nam furor morbi desit.

*Bavariae* & *Sueviae* non videtur ignotus esse morbus, de quo multum disputat *Theophrast Paracelsus*, nec recentiora exempla desunt. Etsi igitur pluribus in locis abominabilis hujus morbi grassatio cessaverit, semina tamen ejus supersunt, ex quibus de genio illius concludere liceat, præfertim si comparentur cum incredibili illo gradu hujus mali, quo adhuc in *Brasilia americana* regnat, unde non rarissime homines ex *Surinamensi* colonia eo morbo affecti in germaniam redeunt, crudelemque ejus rabiem visendam offerunt.

### §. XVI.

Est autem in germania inferiori talis fere ortus morbi. Sponte nasci non videtur, sed utplu-

rimum hæreditarius est, matres imprimis propagant, magis quam pater, facilis etiam in filias, quam in filios a matribus transit. Quæ absque malo suspicione vivunt ad vigesimum & ultra ætatis annum, cum præter opinionem & absque ulla diætica causa illis hinc inde maculæ splendentes in summa cuticula emergunt, quæ varii coloris, ut plurimum subruberæ, nonnunquam leviter viridescentes graviorumque symptomatum prodromi sunt. Nulla in his maculis humiditas, sed potius aridissima siccitas. Pergunt oriri maculæ novæ super brachia, femora & suras, tum in thorace & collo. Non raro etiam in facie. Ex maculis furfures decidunt, sed renascuntur promte, epidermisque sensim ibi crassior & callosa evadens squamas vel monticulos planos format, sine dolore, sine pruritu memorabili, & sine alterius functionis læsione præter fœditatem cutis. Procedente malo cuticula hinc inde rimas agit & superficiales fissuras inter digitos manuum pedumque format, quorum labia prætumida & callosa sunt, sanguinemque facile stillant. Tum similis in narium alis erosio succedit, unde in cavitatem nasalem & in palatum serpit. Hæc ita per plures annos durant, donec malum exasperatum non amplius in cuticula & summa cute hæreat, sed eam altius penetrans nunc tumores formeret. Qui tumores omnium primi observantur in locis, ubi cutis nudam cartilaginem tegit, ut in pinnis aurum, nasi alis & septo; initio sunt indolentes, cuti concolores, deinde sensim rubicundi sunt & exulcerantur serpentique

que eo fere modo quo cancer carcinomatosus cuncta depascit. Interim cuticula non erosa fit magis scabra, & in primis in digitis crassissime intumescit, assumitque formam ejus cuticulæ, quæ pedes pfitacci senioris contegit, nam hujus similitudo multo major est, quam cutis elephantinæ, quacum veteres eam comparaverunt, & nomen elephantias eos inde mutuarunt. Ad eum gradum in Europa solet adhuc hodie morbus pervenire, cuius ulterior progressus vel medicamentis impeditur, vel solent internarum functionum læsiones accedere, ut phtisici vel ex febre moriantur. Ex Surinamensi autem Colonia reduces visi nobis sunt, quorum adspectus horrentior fuit. His omnes cartilagines & ligamenta successive exsiccantur, in primis in digitorum internodiis, quare horum ad se invicem adhæsio immunitur, ut unus digitus articulus post alterum ex levi violentia decidat, absque ullo vulnere aut excoriatione relieta. Decidit articulus, ut pomum maturum a ramo arboris, cui pedunculus junctus erat sine signo fracturæ aut læsionis continui, nam trunus digiti residuus sua crassa epidermide jam tectus erat ante casum articuli vicini. Tum incipiunt debiles fieri, carnesque consumi, crassities autem epidermidis magis in toto corpore augeri, ut tandem omne fere nutrimentum in cuticulam absumi videatur. Nam appetitus ciborum remanet, & circulatio sanguinis in interioribus salva est, respondent quoque excretiones alvi & urinæ. Respiratio autem pedetentim lædi incipit, nam rauca vox fit &

car-

cartilagines laryngis, uti & segmenta bronchiorum exsiccantur, pulmo fit immobiliar. Tum sensus imminuuntur, ut plurimum ante mortem cœci fiunt, crassa quadam & squamosa crusta totum oculi bulbum obducente. Tactus in toto corpore perit. Tandem exsucci & fracti viribus placide moriuntur.

### §. XVII.

In primo stadio symptomatum, quamdiu epidermis sola cum subjecto reticulo sedes est macularum & squamarum, in his regionibus morbus non est contagiosus, nam exempla copiosa sunt matorum ab uxoribus ita se habentibus non infectorum. Sed ubi eo usque processit, ut nares erodantur, tum jam illis, qui proprius cum infecta commercium habent, periculosum est contagium, in primis matrimonio junctis; ubi autem tertius gradus, ut articuli decidunt, & cuticula pedes psittaci æmuletur cum respirationis difficultate, tum malum venenatum valde evadit, a cuius receptione sibi quilibet cavere debet.

### §. XVIII.

Leprosa materia, si secundum phænomena omnia coniunctim sumta consideratur, est valde singularis, initio magis exsiccans, quam acris, licet in progressu talis omnino fiat. Videtur igitur ad cancri naturam proprius accedere, qui in initio durus & firmus tandem fit acerrimus, qui præterea etiam hæreditarius est, nec nisi certa ætate malignus evadit, & non raro contagiosus observatus fuit, quæ omnia

omnia sic in lepra quoque se habent. Differt autem lepra a cancro loco collectionis, & pluribus symptomatibus, in primis in eo, quod cancrofa materia nervos intactos linquat, siquidem ulcus carcinomatous semper dolorissimum manet, leprosa vero materia nervos potius exsiccat, insenilesque reddat, ut rhagades & ulceræ exinde orta fere insensilia sint, imo integrorum membrorum jactura sine dolore fieri queat. Præterea ut jam diximus pro cœli & nationis varietate, & methodi qua tractatur differentia eadem materia magis minusque maligna evadit, ideoque symptomarum varietatem in differentiis regionibus necessario infert.

### §. XIX.

Morbus leprosus tam veterum quam recentiorum testimonio curatu difficultissimus, in o ne qui-dem viperarum carne quam *Aretæus Cappadox* tanquam specificum proposuit, multum alteratur. Mercurius vix quidquam prodest. Antimonials vero diu & ita data, ut vomitivus effectus non nimium sit suppressus & imminutus, aliquid efficiere obser-vantur. Aquam marinam quotidie ad quatuor uncias & ultra potatam in lepra nondum confirmata egregiam habere virtutem non paucis exemplis verissimis constitit.

### §. XX.

Sunt etiam acuti quidam morbi, qui rete mal-pighiamum destruunt, & in primis purpura. Litem hodiernam medicorum, an purpura vere existat tan-

D                   | quam

quam morbus singularis, vel methodo tantum me-  
dendi calidiori semper sit tribuenda, meam quidem  
non facio, nam et si certissimum sit tali methodo  
pluribus in morbis putridis exanthemata præter ul-  
lam necessitatem expelli posse, tamen experientia  
potius a priorum stare parte, illique qui existen-  
tiam negant, ex sola hypothesi docere & grassatio-  
nem veræ purpuræ forte nondum observasse viden-  
tur. Hoc certo præsenti & proxime antegresso  
anno latissime regnavit, & non obstante methodo  
refrigerante adhibita decursum suum accurate ut  
majores nostri eum descripsérunt ita regulariter ser-  
vavit uti variolæ & morbilli suum decursum ha-  
bent. Hujus morbi ortus ut plurimum circa initia-  
um hujus seculi & in germania quidem factus esse  
statuitur. Qui tamen antiquior est, nam egregius  
auctor ROBERTUS SIBBALDUS, Medicus &  
Geographus Regis Anglorum Caroli II. in *Scotia*  
*illustrata*, sive *prodromo historiae naturalis Scotiae*  
Edinburgi impresso 1684. P. I. L. II. C. V. quod  
„ agit de febribus in *Scotia* grassari solitis, quemad-  
„ modum inquit indies crescit hominum luxuria, ita  
„ & novi succrescent morbi, veteribus si non cogni-  
„ ti, intacti tamen. Nec mirum, quum ab insolitis  
„ cibis & varia eorum mixtura novæ oriantur hu-  
„ morum depravationes. Inter multos autem mor-  
„ bos, qui huic seculo (XVII.) originem debent,  
„ nuperrime febris observata est, quæ *Scarlatina*  
„ diæta est a coccineo colore, (*Scotis* lingua *vernia-*  
„ *cula Scarlet appellata*) quo cutis fere universa  
„ tin.

„tingitur. Hujus morbi non ita frequentes observationes sunt, ut inde accurate ejus theoria tradi & curandi methodus extrui potuerit. Unam observationem apponam, reliqua accuratior observatione complebit: Puella octennis cum febre valida per quinque dies durante super totum corpus ruberrimo colore perfusa fuit, ad tactum alpero & leviter tumente. In aliis post rubedinem pustulae per totam cutim erumpunt, instar capitis aciculae, quae maturatae & arefactae crustulam deponunt. In adultis tota fere cuticula decidit. Paucos ex ea febre mori affirmant. Dicitur incipere cum angina. Alio ejusdem capitum loco eas febres auctor vocat purpuratas, & maximum periculum apud suos esse a subito macularum recursu adfirmat, quia febris cum dyspnoea intenditur & alvi fluxus supervenit, raroque aegros tunc mortem effugere. Hactenus SIBALDI BALDUS

## §. XXI.

Nam eam solam ob causam hanc SIBBALDI relationem adduximus, quia medicis minus nota majorem hujus morbi antiquitatem indicat. Recte autem observavit vir laudatus, quod in morbo Scarlatino & purpurato cuticula integra decidat. Unde certum est, Scarlatinam materiam in succo reticuli depositam; nec cuum ipsam effectam fuisse, nisi quod in purpura illi simul noduli cutanei, quos pro sudoris organo habent anatomici, sanguine simul impleti & turgentibus spectentur. Sedes igitur

tur purpuræ & Scarlatinæ materiæ plane alia, quam in variolis & morbillis est, quippe quæ cutim veram simul cum pannicolo adiposo tumidam redunt & exulcerant, ut aliquando profundæ cicatrices remaneant, imo cutis ad panniculum usque adiposum in variolis exesa foedo callo per naturam beat resarciri. Quum igitur supra reddidimus probabile, succum retis malpighiani naturaliter esse biliosum (§. IV. VI.) & quum in eodem succo flavus ictericus color etiam diffundatur (§. VI.) & mellea materia favi infantilis etiam amara sit (§. II.) quæ certissime aliam sedem non habet, quam ipsum reticulum, inde non male concludetur, *materiam etiam Scarlatinam & purpuraceam biliosæ originis esse*, & eatenus recte judicare eos, qui docent, purpuram anteverti posse, si satis cito & mox in principio morbi cholagogis medicamentis venenum susceptum expurgetur, cui sententiæ experientia omnino adstipulatur.

## §. XXII.

In purpuræ morbo non instar furfurum cuticula decidit uti in morbillis & in prurigine aut lepra, sed integræ membranæ simul cum reticulo adhærente abscedunt; fere uti post cantharidum applicationem. Quod phænomenon ad ipsam hanc cantharidum actionem considerandam nos dicit. Illud acre, quod in his insectis latet & ad epidemidis solutionem facit, est resinosum ex aromaticis herbis in abdomen collectum, sed animalibus & vicalibus eorum animalculorum viribus magis excutum,

Etum, ut quodammodo possit biliosum vocari. Id acre si cuticulae applicatur, hanc minime erodit, nam cuticula integra & cohærens in vesicam elevata detrahitur; neque proprie cutim erodit, siquidem nunquam haemorrhagiam excitat, etiam si cutis ab ejus vellicatione maxime ruheat & quasi inflammata videatur, nec cutis crassitatem absunt, quam potius tumidiorem reddit, ut ex poris ampliatis humor serosus extrahatur, sed in solum fere succum reticuli agit, hunc solvit, cohæsionem igitur cuticulae & cutis tollit, adeoque aperit vasa cutanea, in primis sudorifera, nam post detractam cuticulam omnes illi noduli ex quibus sudor exhalare creditur, tumide factae cutim anserinam dictam referunt, id est, *purpuram artificialem* ejus loci efformant. Alia septica cuti applicata plane aliter agunt, nam sinapi & catarthica sub forma phœnigmi applicata in epidermidem & reticulum nil agunt, sed altius penetrando ipsam cutim vere inflammant, imo sufficienti mora veros abscessus excitasse sunt visa. Metallica autem acria comburunt omnia, sphacelum extitant, substantiamque solidorum consumunt, ut in fonticulorum excitatione & chirurgicis aliis operationibus apparet. Quare non omne acre aptum est ad reticuli succum solum solvendum, sed tale tantum, quod refinosam & amaram biliosam habet naturam, scilicet talem, quæ cum ipsius hujus succi qualitate convenit.

## §. XXIII.

Cum purpura in multis rebus & in epidermis

D 3

dis

dis etiam integræ remorione convenit ille dirissimus & fere pestilens morbus epidemicus, qui anno 1749. & 1752 per magnam Europæ partem gravabatur, *angina scilicet gangrenosa*, quam superioris seculi anno 1618. sibi vitam sub titulo *pedanthonæ pestilentis* descripsit vir optimus, MARCUS AURELIUS SEVERINUS in tract. de *abscessibus* p. 428. sqq. notans simul, eam *Aretæo cappadoci* cognitam, & ab *Amideno* quoque designatam tuisse. Nostra ætate inter anglos a cel. FOTHERGILL, & inter Gallos a cl. MALOVIN singularibus schedismatisbus hujus morbi historia est exarata, & quæ in tractu Rheni inferioris de eo observata sunt, exhibuit cel. DE BLECOURT in opusc. Soc. litt. Duisb. P. I. Ex symptomatibus autem malignis hujus luis id solum hic monemus, quod quando contingebit, ut a pulmonibus & faucibus venenosa materia in artus externos traheretur, semper aliqua purpuræ species effloresceret, ut plurimum cum salute ægrotantis, tumque cuticula late a cure secedebat, ut infantibus integræ aliquando chirotecæ potuerint a manibus, aut socci de pedibus abstrahi. Erat autem illud venenum dysenterico simile, nisi quod fauces potius quam intestina occuparet, iisdem enim annis supra citatis dysenteria late gravabatur, & alia symptomata adjuncta idem confirmabant, quare hoc miasma in humoribus corporis humani biliosis maxime hærere fuit visum.

## §. XXIV.

*Ignis etiam qui inter 200 & 250 gradus secundum.*

cundum Farenheitii mensuram est, & aqua in dictis gradibus fervida similiter reticuli succum solvit, ille scilicet caloris gradus, in quo omnes resinæ veræ emolliuntur aut solvuntur. Qui enim ignis est fortior, ille sphacelum potius producit, id quod ambustionum differentes gradus demonstrant, uti & artifacia anatomica, quibus cuticulam separate co-namur.

## §. XXV.

Lenta tandem putredo in aere humido & calido instituta eundem effectum præstare non modo in mortuis exuviae a scetu intra matrem mortuo docent, sed etiam in viventib[us] primus gradus granæ epidermidem non erosam a cute elevat. Qua lenta putredine totius succi hujus visciditas magis solvi videtur.

## §. XXVI.

Per sequens phænomenon apparet succum retis malpighiani tardissime & parum immutari, quando scilicet pulvis pyrius prope cutim intensus, aut ex bombarda vel alio firmiori canali per ignem versus cutim explosus, globulos quosdam non incensos sed adhuc integros per epidermidem usque ad cutis superficiem impellit. Hæc enim grana pulveris pyrii nigra, nisi cultello vel simili instrumento effodiantur, per plures annos, imo per universam sape vitam ibi sine mutatione hærent, maculisque nigris faciem fœdant, quod in venatoribus & militibus, aliisque, qui instrumenta pyrobolica tractant, frequenter observatur. Constat autem pulvis pyrius ex nitri sa-

le, ex sulphure vivo atque carbone ligneo. Nitrum facile solvitur, non in aqua modo, sed etiam in mucilagine quavis, quare in nitro non videtur causa tam diuturnæ nigredinis hærente posse. Sulphur vivum facile solvitur in omnibus fere corporis humani humoribus, quippe qui nunquam mere aquosi, sed per admixtam pinguedinem semper saponacei sunt; sulphur autem vivum in omni pingui liquore, in oleis æthereis, in axungia quavis, in urina, in sudore, in ipsa, si diutius cum eo teritur, saliva colliquecere ut notum ita cerum est, quare etiam in sulphuris pertinacia non videtur tam diuturni coloris ratio querenda esse. Restat igitur carbo ligneus, cuius tenacissime inhærens ater color in succum reticuli illatus eum constanti succo nigro inficere potest. Ex quo exemplo patet, varii & constantissimi caloris eum succum esse capacem, quod facit ad confirmanda ea, quæ supra de naturali æthiopum & de præternaturali variorum morborum colore asseruimus.

## §. XXVII.

Quum tota doctrina de reti malpighiano ejusque succo in brutorum corporibus primum genita atque tum analogice ad hominis anatomiam traducta sit, licebit colophonis loco addere, quomodo se in nonnullis piscibus habeat. Sunt autem pisces, qui cutim veram nullam habere videntur, quos mala costracos rerum culinariarum scriptores nuncupant, velut *salmo*, *lucius*, *perca* & ejusmodi, nam hi, si ad usus cibarios in aqua elixantur, dura eorum squa-

squamosa epidermis a carnis integra secedit. In  
aversa autem vel interna ejus epidermidis superfi-  
cie tenerima quædam & alba splendens membra-  
na spectatur, quæ per ipsam elixationem in mu-  
cum tenacem, digitis valde adhærentem, ichtyocol-  
lae naturam habentem convertitur, & in aqua fer-  
vida satis diu applicata vere solvit, tamen si iterum  
refrigeratur in membranae speciem denuo concrescit,  
ut igitur pro vera membrana aut cute haberi non  
debeat, quippe cujus solidæ fibræ tam cito non dis-  
olvuntur. Hæc membrana mucosa in vivo & in  
mortuo tali pisce firmiter conglutinat epidermidem  
& carnes, & cum his ita cohæret, ut sine carnium  
laceratione nunquam detrahi possit, nisi prius piscis  
percoctus sit, quin & coqui pro criterio sufficientis  
elixationis habent, si crusta squamosa a carnis  
promte removeri potest, quibus phænomenis cum  
succo reticuli in homine hic piscium succus satis con-  
venit, excepta adhæsione ad nudas carnes. Si quis  
hanc mucosam membranam potius pro tela cellulosa,  
quam pro reticulo malpighiano habere velit, non  
movebimus litem, nobis vero visum fuit, eam nil si-  
militudinis cum tela adiposa brutorum quadrupedum  
& hominis habere, quia adipem non continet,  
sed mucum fastidiosi & nauseosi saporis, qui verno  
tempore, uti & si non in fluento sed in stagno vixe-  
runt pisces verissime amaricat, imo quandoque car-  
nibus ipsis, quibus adhæsit, aliquid nauseosi saporis  
adfricat, in primis autem, quia cum squamosa epider-  
mide immediate cohæret, & cum ea detrahitur, quod

E

tela

tela cellulosa nusquam facit. Variat autem hujus suc-  
ci natura pro fluvii, ex quo pīscis captus est, differen-  
tia, dulcior est si ex parvo amne lapidoſo, amarior,  
si ex magno flumine coenoſo & pingui extractus fuit.  
In dorſo pīscis, ubi carnes ejus ad spinam usque di-  
ſae quaſi duo hemiſphæria conſtituunt, profundio-  
ris fuſci eſt coloris & ſuper cellulofam membranam,  
quaꝝ axungiae portiunculam amaræ priori ſubſtan-  
tiæ admifcat extenſa eſt, in quoꝝ igitur loco ipſis  
carnibus non adhæret, ſed ab illis per cellulofam ſub-  
ſtantiam, ſine cute tamen, fejuncta apparet ſiquidem  
utriusque ſubſtantia ſine diſcrimine confluſit. Ipſae  
autem horum pīcium carnes etiā ex fibris directis  
ſint compositæ, tamen etiam transverſim in partes  
quaſi teſſellatas diſjunctæ ſunt, eo fere modo quo  
cortex cerebri brutorum & hominum per introgre-  
dientem membranam piæ matris in ſuos loculos di-  
ſtingui obſervatur, quaꝝ diſtinctio an membranulæ an-  
tehac deſcriptæ & a ſpinā dorſi in carnes continua-  
tæ, vel alii cuidam telæ adſcribenda ſit, neque afſe-  
rimus neque negamus.

## §. XXVIII.

In gammaro fluviatili ſub ea crustæ tartareæ  
parte, quam caudam articulatam vocamus, uti etiam  
in trunco eſt membrana quaꝝdam mucosa, quam  
an pro reticulo vel pro tela cellulofa haberi debeat  
ambigimus, nam in his animalculis bene paſtis ſuc-  
cum dulcem, mucilaginosum, gulfui gratum con-  
tinet. Sed in chelis eorundem gummarorum, caro  
connatiſcit ipsi crustæ mediante membrana teneri-  
ma.

ma. Ostracon autem ipsum vel dura crusta chelidis in superficie interna quodammodo reticulatum aut cancellatum, id est, fissuris & feveolis distinctum, in quibus hæc dura crusta cum suo reticulo connata vel forte ex eo formata appetet. In cochlea testacea limacum cares adhaerent ipsi tartareæ crustæ sine ulla, quantum nobis visum est, membra intermedia.

## §. XXIX.

Ex illis quæ in medium protulimus, constare putamus, succum reticuli malpighiani esse humorem sui generis; amarum plerumque & biliosæ prosa. piæ; non in omni corporis parte æquabilem nec ubivis sibi similem; non modo varii coloris sed etiam variarum morbosarum materiarum sedem; cuius natura per externa contagia lædi possit; in quem etiam natura internas impuritates deponere queat; qui habet consensum & affinitatem cum interiori intestinorum tunica, & cum cartilaginum & forte ossium integumentis subcutaneis; ex ejus igitur præternaturali statu ad internas pravas dispositiones posse concludi.

## T A N T U M.

## T H E S S.

- 1) **Q**ui statuunt, rubedinem post pastum nunquam oriri a pressione aortæ descendenter, graviter errant.
- 2) Non omnes motus ventriculi & intestinorum, qui

qui in vita contingunt, nobili invento irritabilitatis perill. HALLERI, sed partim influxui liquidus nervi tribuendos esse statuimus.

- 3) Demonstrabile est, in ileo nonnunquam dari retrofessum foecum per valvulam coli.
- 4) Contra BOERHAVIUM statuimus globulum cruris non conflari ex sex globulis serosis, ejusque fictam vasorum sibi succedentium seriem non admittimus.
- 5) Obstructionem esse inflammationis causam, BOERHAVIANIS nullatenus concedimus.
- 6) Mors fulguratorum partim tribuenda terrori, partim privationi aëris elastici.
- 7) Fibra tendinosa interdum offescit, nunquam vero musculosa.
- 8) Non in semine masculino, sed in ovulo materno stamen futuri hominis contineri, afferimus.
- 9) Quæ de pressione corticis cerebri ad somnum & & morbos soporosos faciente passim statuuntur, dubia aut manca esse probantur partim ratione, partim experimentis cl. LORRY in Comment. Acad. Paris. Memoires des étrangers Tom. 3.
- 10) Animæ imperium in organa vitalia extendi, probabile est ex animi pathematibus, aliisque rationibus doctissimi BOISSIER de SAUVAGES in nosol. method.



